



mainatges d'òc **PLUMALHON**



(5,74 €)

ISSN 1264-6733



Groenlàndia



La vielha mar



La nidificacion

Los aucèls al nis

Tèxtes e fotografias de Fred Lavail



Galejon rotaire

Cada an, del mièg del mes d'abril al mes de julhet, los aucèls s'afanan. Es lo periòde de la nidificacion, lo moment que las femèlas e los mascles se tornan trobar per s'acoblar e far los nises. Cada aucèl son nis !



Dos poletons de bernats espèran que los vièlhs tornen.

Sus aquesta fotografia, veses un bernat pescaire amb los dos pichòts. Los bernats pescaires anisan en colonias. Pòdon èsser un centenat de cobles a s'amassar.

Tanlèu los pichòts espelits, los parents passan lor temps a lor cercar per manjar.

● Es lo cas d'aquel bernat pescaire que deu avidar tres pichons.

Las cigonhas fan de nises grands amb de rams, que pòdon far unes tres mètres de diamètre. Per bastir aquel nis, cal trobar un endrech que lo pòsca suportar, es de mercès aquò qu'es corrent de veire de cigonhas lo bastir sus de chimenèias.

Plan aucèls son acostumats a la companha dels òmes. Las irondas e los passerats anisan sovent jos las teuladas dels ostals.



Bernat pescaire



Becarut

Gavina gròssa



Quand los poletons vòlon espelir, lo bèc es pas pro dur encara per trauçar lo clòsc. An çò qu'apèlan « la dent del bèc ». Aquel organ que sembla una dent blanca, l'an sul bèc, aital pòdon trauçar lo clòsc per sortir. Desapareis lèu après l'espelison.

Las gavinas gròssas causisson l'estanh e bastisson lo nis al ras de l'aiga amb de canaveras. Al cap d'un parelh de jorns, los poletons pòdon sortir del nis e s'anar rescondre per las canaveras e se metre a l'abric se i a qualque dangièr. Los vièlhs los coneisson a lor crit que cada poleton piula diferentament d'un autre.

D'autres aucèls, coma los becaruts, fan de nises enairats amb de fanga, de sable e de broquilhs. Aqueles nises pòdon far 50 cm d'auçada.

Los pics, lo pic verd e lo pica bòsc fan un trauc dins un arbre mòrt e i pondon dedins. Pòt arribar qu'una sarralhièra prenga un d'aqueles nises abandonats.

Un coaroge a fach lo nis dins un esclòp de terralha ont meton de flors !



Cigonha-blanca

Sarralhièra



Picassèla